



## Universitätsbibliothek Paderborn

**Mvndvs Et Mvndi Partes, Divinæ Bonitatis Ac Ivstitiæ  
Præcones**

**Stengel, Georg**

**Ingolstadt, 1645**

§. 4. A mundo excæcatos secundùm faciem judicare, non secundùm  
veritatem.

[urn:nbn:de:hbz:466:1-52365](#)

quia ipse bonus: si quid malum esse incipit, à nobis incipit bonis malè vtentibus. Paupertatem, inopiam matrimonium rixosum, morbos, mortem, mala vocas? Iniuriam facis: non enim sunt mala, quæ faciunt bonus, aut malis nos eripiunt. Repete veteres memorias, & inuenies plures, quos egestas ad moderationem, conuicia ad patientiam, inualetudo ad frugem reduxit. Intuummet sinum inspice, & cogita, quoties te angustiæ, curæ, dolores refrænârint in præcipitia iuentem? quoties ad DEVM adgerint trepidantem? An illa mala esse arbitraris, à quibus, à vitæ licentia, fuisti retractus, & ductus ad salutis fontem? Noli ergo, malorum nomine, res tibi tam bonas deuenustare. Quis agricola, sarculum, aratum, stiuam, mala vocat? Sunt tamen illa laboris instrumentum, & fatigant illum. At sine illis, vt non ferit, ita nec metit.

## §. IV.

*A mundo excæcatos secundùm faciem iudicare, non secundùm veritatem.*

Fortunæ mancipia nominum ludibrijs pascuntur, &, inter summa bona, nominant res nocituras. Qui mente carent, apud eos

eos fulgor extern⁹ primas partes agit. Charius illis est plumbū inauratū, quām plumbō inclusum aurum. Mūdus suspicit captos cupiditatibus Reges, qui, catenatæ instar simiæ, in purpura circumducuntur. Comunis hic est error: perfunctoriè pretia æstimantur. & pluris sit, quod apparet, quām quod est in recessu. Ideò & gemmæ negliguntur, quādo nō sunt ita politæ, ut splēdeant. Longè alia essent judicia, si, detractis laruis, quæ latent, inspicerentur; nemo adoraret Charretis pollicitationes; nemo crucis thesauros contemneret (qui profanis oculis nō ostenduntur) si lynx esset; immò nisi talpa esset. Nam multi oculos habent, & non vident, quid vel Mundus, vel Devs condat.

§. V.

Socratis exterior vultus, & interior virtus,  
cum Silenis comparantur.

Alcibiades, apud Platonē, Socratis encomium dicturus, eū Silenis similē facit, quod is multò aliis esset propriùs intuenti, quām summo habitu speciēq; videretur. Quem, si de summa, quod dici solet, cute quis æstimasset, nō emisset asse. Facies erat rusticana; taurinus aspectus; nares simæ, mucoq; plenæ. Sannionem quempiam, bardum, ac stupidū

Plato in  
Cōiuio.  
Erasm.  
Chil. 3.  
Cent. 3.

B dixit.